

Wuarom es daut OK tom veschiedne sorten COVID-19 Impfen vemischen?

Daut es sea wichtich twee Sauz COVID-19 Impfen kjrieen so daut du vollstendich jääjen dee COVID-19 Krankheit jeimpft best. Du best vollstendich jeimpft trachjedocht twee Wääkj no waut du diene tweede Impf jekrääjen hast.



Es daut OK ne andre COVID-19 Impf kjrieen ve dee tweede Sauz?

Ja! Daut es secha un wirkjent tom die schitzen jääjen dee COVID-19 Krankheit.

Haben see ea maul veschiedne sorten Impfen derch een auda jejäft?

Ja, daut es ernoa jemeen. Tom Biespel, veschiedne sorten Impfen ve Hepatitis B oda Mauslen sennen ieremol topjebukt.

Wuarom donnen see mie ne andre Impf aunbeeden ve mien tweeda Sauz?



Jieeda sort Impf waut no Canada kjemmt kaun unjascheetlich rutjeschekjt woaren von eene Wääkj bot dee näakjste un eenjemol kjrakt dee sort Impf kjrieen waut du ve dien ieeschten Sauz hautz much nicht losbandich sennen wan du ieescht dien tweeda Sauz kaus kjrieen. Wie weeten nicht wo lang du wuascht luaren motten tom kjrakt dee sort Impf krieen ve dien tweeda Sauz. Jeimpft woaren met waut emma sort mRNA Impf daut ieeschte aunjebeed un losbandich es (Moderna oda Pfizer) es dee basta Wajch die to schitzen jääjen COVID-19.



Woone COVID-19 Impf wud eck sellen kjrieen ve mien tweeda Sauz?

Canada deit nu jrotz dee Moderna un Pfizer COVID Impfen aunbeeden ve mieschtens ieeschte un tweede Sauzen. Dise Impfen sennen en hauptsechlich äwareen un sea wirksam (von onjefää 95% wirkjent tom dee COVID-19 Krankheit väabiejen no 2 Sauzen kjrieen).

Du kaus sechalich veschiedne sorten COVID-19 Impfen vemischen ve dien ieeschtet oda tweeda Sauz:

Impf ve dän ieeschten Sauz jekrääjen	Jelääjenheit ve dän tweeden Sauz
Pfizer/BioNTech	Pfizer oda Moderna Wääjens 21 Doaj NO dee ieeschte Sauz
Moderna	Moderna oda Pfizer Wääjens 28 Doaj No dee ieeschte Sauz
AstraZeneca	Pfizer oda Moderna (tojeroot) Oda AstraZeneca Wääjens 56 Doaj (8 Wääkj) NO dee ieeschte Sauz

Wan du irjent von dise tojerode vemischt Impfen annämen deist, du best twee Wääkj no waut du diene tweede Sauz jekrääjen hast vollstendich jeimpft trachjedocht.

Woa eck andre sort Jaäjenwirkjungen erfoaren wan eck ne andre sort Impf kjrie ve miene tweeda Sauz?

Moderna un Pfizer/BioNTech COVID-19 Impfen sennen ernoa secha un haben äwareen sorten Jääjenwirkjungen. Dee sort Jääjenwirkjungen waut du kaus fielecht kjrieen talen met en Schulda oda Oam Not bie dee Unjaspretz Städ, Kjarpa oda Muskel Not, hubren, meed oda feebriich feelen. Eenje

Menschen woaren en see haben een bestje stoakjre Jäajenwirkjungen no dee tweede Sauz von dee Impf kjriien (tom Biespel, see feelen sikj meeda aus see daut vääje maul hauden oda äare Muskels doonen mea wee) – dit meent daut dien Jäajenstaunt schauft! Dise Jäajenwirkjungen woaren jeeenlich bäta von onjefää eent bot dree Doaj.

Daut es wichtich daut du TWEE Sauzen von dee COVID-19 Impf kjrichts so daut du vollstendich jeimpft best jaäjen dee COVID-19 Krankheit. Dit woat die, diene Aunveleewde un diene Nobaschoft schitzen jääjen dee COVID-19 Krankheit.

Bestendich von Juli 7, 2021

Dee Informazion en dise Berecht es jeltich jemoakt von Kanadische Doktasch.: Meb Rashid MD, Professa methalpa, Uniwersitie von Toronto, Vanessa Redditt, MD, Liera, Uniwersitie von Toronto un Isaac I. Bogoch, MD, Metiliet Professa, Uniwersitie von Toronto

Ne Berecht aunjenomen waut doa jemoakt es von:



Äwasat von:



Een Poanta met:

